

01 IANUARIE RUGĂCIUNEA SF.CUVIOASE FAINA KOVALEVA DE LA STAROBELSK 1

МОЛИТВА 1

О великая и преславная угоднице Христова, преподобная мати Фаино. Теплая за нас молитвенница, -земли Донбасския преславное украшение, обители своея и града Старобельска крепкая покровительница, всех же прибегающих к тебе скорая помощница и заступница! Услыши ныне вопль наш сердечный от юдоли скорбей и печалей возносимый. Мати наша духовная, не лиши нас твоего милостиваго заступления, прими нас под твое крепкое покровительство. Просвети очи наша, грехами ослеплени, просвети умы наша, помыслы непотребными осквернени, души наша, язвами и струпями греховными покрытые милостью своею исцели. Помощнице наша скорая, в нуждах житейских нам помози, на путь покаяния и исправления настави. Злую волю нашу укроти, подаждь нам оставшиеся дни жития нашего в покаянии и угождении к Богу провести. Монашествующим буди добрая наставница, на спасение тех наставляя и како жити подобает богоугодно, свыше вразумляя. Обитель же сию, в ней же добре подвизалася еси, молитвами своими не остави и к духовному преуспеянию жительствующих в ней приведи. Благодетелям же ея испроси оставление грехов и спасение душ их. Сиротам и вдовицам буди скорая помощница. Дебствующим чистоту и непорочность сохранить помози. Супругам любовь и согласие даруй. Старость поддержи, юныя от тлетворности века сего огради. Церковь же Святую Соборную и Апостольскую от ересей и расколов сохрани. Пастырей, пасти овец Христовых, укрепи, волцы же хищныя от стада Христова далече отжени. Земли плодоносие и благорастворение воздухов молитвами своими ниспошли. О стране нашей, в мерзости богоотступства поверженной, молитву теплую сотвори. И всех нас, чтущих святую память твою, матернего своего заступления не лиши, да беспреткновенно достигнем селений райских, идеже купно с тобою прославим Всесвятное имя Отца и Сына и Святаго Духа во веки веков. Аминь.

